

Ymchwiliad y Pwyllgor Diwylliant, y Gymraeg a Chyfathrebu i gynyrchiadau ffilm a theledu mawr yng Nghymru

Briffio ychwanegol ar gyfer sesiwn dystiolaeth, 11 Gorffennaf 2018

Cymru Greadigol

Y Diwydiannau Creadigol yw'r sector o fewn economi y DU sydd wedi datblygu gyflymaf ers dros ddegawd. Nid dim ond creu swyddi a chyfoeth mae'r sector; mae'n cyfrannu at frand cenedlaethol cryf ac yn hyrwyddo Cymru i'r byd. Creadigrwydd - ar ffurf teledu, cerddoriaeth, y celfyddydau gweledol a'r platfformau digidol yw ble yr ydym yn rhannu, yn rhyngweithio, yn gweithio ac yn chwarae - gall hefyd hyrwyddo cymdeithas mwy gynhwysol.

Mae nifer o'r swyddi creadigol ymysg y rhai sy'n lleiaf tebygol o gael eu colli i awtomatiaeth yn y dyfodol; pobl creadigol a'u busnesau sy'n aml yn defnyddio technoleg newydd, yn hytrach na'u bod yn dioddef yn ei sgil.

Ers 2011, mae Llywodraeth Cymru wedi ffocysu y cymorth mewn meysydd yr ystyriwyd fyddai'n cael yr effaith economaidd orau, sef dramâu teledu o safon uchel a phrosiectau digidol. Dyma'r penderfyniad iawn ar y pryd, gyda Cymru bellach yn cystadlu o ddifrif yn y meysydd hynny, sydd wedi arwain at gynnydd sylweddol yn yr arian y mae'r busnesau hyn yn ei wario yng Nghymru ar y gadwyn gyflenwi, ac o fewn economi ehangach Cymru.

Felly mae'r twf diweddar yn y diwydiant wedi newid y tirwedd yn sylweddol, ac yn 2018 mae sector y Diwydiannau Creadigol yng Nghymru yn faes hollbwysig ble y mae cyfleoedd yn dod at ei gilydd a ble yr ydym yn credu, gyda'r cymorth iawn dros y blynyddoedd nesaf, y gallai'r twf a'r llwyddiant fod yn sylweddol. Dyna pam ein bod wedi ymrwymo i ail-lunio ac ail-lansio ein cymorth ar gyfer y sector creadigol ar wahân gyda Cymru Greadigol. Rydym yn cydnabod yr angen am ymagwedd mwy cynhwysfawr a'r angen am gymorth pwrpasol i helpu twf busnesau yn y sector. Mae angen i Lywodraeth ymateb yn fwy hyblyg i fusnesau sy'n symud ac yn newid yn gyflym. Bydd Cymru Greadigol yn ffordd inni wneud hyn, gan gynnig gwasanaeth syml, deinamig ac arloesol i'r sector hwn.

Mae Cymru Greadigol yn anelu at ddarparu:

- Strategaeth sy'n cyd-fynd â blaenoriaethau'r Llywodraeth
- Un safle ar-lein i gynnig cymorth, i rwydweithio, cynnig adnoddau a chyfleoedd i'r sector
- Brand cryf hawdd ei adnabod, gan ddefnyddio platfformau digidol i ffrwyno busnesau a chyfleoedd rhwydweithio yng Nghymru, y DU a ledled y byd.
- Mynediad gwell at farchnadoedd i'r diwydiannau creadigol gartref a thramor, yn ogystal â'r defnydd ohonynt a gwerthu Cymru i Fuddsoddwyr Mewnol
- Sylfaen sgiliau yng Nghymru i dderbyn heriau creadigol yn y dyfodol, waeth beth yw eich cefndir
- Cysylltiad gwell gyda meysydd eraill y sector cyhoeddus i sicrhau cymorth effeithiol i'r diwydiant.
- Gwell cynhyrchiant a chyfraddau twf gan fusnesau
- Cyfraddau uwch o ran cadw a defnyddio eiddo deallusol.

Bydd Cymru Greadigol yn darparu cymorth pwrpasol ar gyfer BBaChau cynhenid, cynyrchiadau a gweithwyr llawrydd yn ogystal â chwmnïau y gadwyn gyflenwi. Bydd hefyd yn darparu cyllid drwy'r Gyllideb Buddsoddi yn y Cyfryngau gwerth £15 miliwn a mynediad pwrpasol i'n Cronfa newydd Dyfodol Economaidd.

Er mwyn cyflawni hyn, bydd Cymru Greadigol yn ehangu ein gweithgareddau presennol, yn blaenoriaethu'r rhai hynny fydd yn cynnal ac yn cyflymu twf y sector orau, sef:

- Meithrin llwybrau ar gyfer doniau a chymorth ar gyfer sgiliau o dan arweiniad y diwydiant
- Datblygu'r gadwyn gyflenwi;
- Gwella rhwydweithiau a mynediad at gymorth arbenigol o fewn y diwydiant
- Defnyddio'r cyfryngau cymdeithasol yn effeithiol a platfformau digidol er mwyn gwella'r ddarpariaeth
- Mynediad at gyllid sydd wedi'i deilwra i anghenion y sector

Wrth ddefnyddio'r dull cydweithredol, integredig hwn, bydd Cymru Greadigol yn ehangu ystod yr allbwn a'r canlyniadau i gynnwys rhai mesurau ehangach ac/neu lai, megis codi lefelau sgiliau, cryfhau'r gadwyn gyflenwi a cadw eiddo deallusol yn well.

Bydd themâu trawsbynciol hefyd yn rhan o ethos sylfaenol y sefydliad, gyda Cymru Greadigol yn gallu cynnig canlyniadau i gefnogi'r agendâu cydraddoldeb a threchu tldi, gan gynnig pwll mwy amrywiol o bobl i wneud penderfyniadau o fewn bywyd cyhoeddus a phenodiadau cyhoeddus, a helpu pobl i gael swyddi ac ennill cyflog.

Er y bydd Cymru Greadigol yn gweithredu o fewn y llywodraeth, caiff ei strwythuro er mwyn cyflenwi mewn dull tebyg i gorff hyd braich; sef Bwrdd gyda Cadeirydd allanol sy'n cael ei recriwtio drwy'r broses Penodiadau Cyhoeddus, fel gydag unrhyw aelod o'r Bwrdd. Bydd y gweithrediadau'n cael eu harwain gan Brif Weithredwr neu swydd debyg.

Byddai'r bwrdd yn cynnig goruchwyliaeth strategol i'r tim rheoli, gan adolygu'r cynllun busnes blynyddol a'i ddatblygiad, a derbyn diweddariadau ariannol ac eraill.

I sicrhau nad oes toriad yn y cyngor sydd ar gael i'r diwydiant pan ddaw tymor Panel y Sector Diwydiannau Creadigol i ben ym mis Medi, bydd y broses i recriwtio Cadeirydd a Bwrdd drwy'r broses penodiadau cyhoeddus yn dechrau yn fuan.